



Hans Enoksen  
Inatsisartuni ilaasortaq  
Partii Naleraq

**Qulimiguulimmik angalasussanut utaqqisarfissat pillugit § 37 naapertorlugu  
apeqqutaammut 2020-186-imut akissut**

26-11-2020  
Suliaq nr.: 2020 - 22750  
ID nr. 59057592

Asasara Hans Enoksen

Inatsisartut suleriaasianni § 37 naapertorlugu, qulimiguulimmik angalasussanut utaqqisarfissat pillugit Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matumap kinguliani allanneqarpoq, akissummillu malitseqarluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut: Nunatta avannaani Nunaqarfinni Kullorsuarmi Nuussuarmilu  
qulimiguulimmik angalasussanut utaqqisarfissat aasaq manna innuttaasunut  
Naalakkersuisunit sanasussatut neriorsuutigineqarsimasut qaqugumita  
sananeqassapat?**

Naalakkersuisuniit pingasuulluta nunatta avannaaniippugut innuttaasunit allanillu soqutiginnittunik kissaatinik assigiinngitsunik immersorneqarluta pissarsillutalu. Utaqqisarfilliortoqarnissaanik neriorsuisoqarnikuunngilaq. Taamaattorli angalasunut atugassarititaasut pitsangorsarneqarnissaannut periarfissaasinnaasoq eqqartorneqarnikuulluni.

Attaveqaqatigiinneq pitsangorsarneqarluni ataqatigiissinneqarlunilu, nunap ineriartortinneqarnissaata sulissutigineqarnissaa Naalakkersuisut pingaartut, qitiusutullu isigaat. Matumani utaqqisarfissanik sanaartorneq, nunatsinnilu qulimiguulinnut mittarfinnik kiffartuussineq ilanngullugit.

Ilaasunik angallassinerep pitsangorsarneqarnissaanut aningaasat immikkoortinneqartut, qulimiguulinnut mittarfinni utaqqisarfilliortitsinissanut atorneqarnissaat Inatsisartut Aningaasaqarnermut Akileraartarnermullu Ataatsimiititalaanit akuersissutigineqassasoq, Naalakkersuisut 2019-imi qinnutigaat. Kiffartuussinissamik isumaqatigiissutit naapertorlugit sullinneqarnermi angalasumut ataatsimut annertuumik kivitsissasoq, Naalakkersuisut taamani nalilerpaat. Qinnuteqaat akuersissutigineqanngilaq.

Neriuppunga apeqquteqaatit qulaani allaqqasumi akineqartoq.

Inussiarnersumik inuulluaqqusillunga

Karl Frederik Danielsen